



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

1. A nostra &c. Enarrat quomodo à Romanis sit exceptus.
-

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)

ALEXANDER TERTIUS. PONTIFEX CLXXII. ANNO DOMINI MCLIX.

Adriano successit Alexander cui oppositus à Friderico Imp. Victor IV. & hoc mortuo Paschalis III. & Calixtus III. Post triennalem absentiam à Romanis Alexander fuit revocatus. Fridericum Imperatorem Venetiis pede cervici ejus imposito calcavit usus verbis illis Psalmi: super aspidem & Basiliscum ambulabis. Obiit anno 1182. Pontificatus vigesimo secundo. (Magni Bullarii Romani Tom. I. hujus Editionis Luxemb. 1727. fol. 40.

I. Dacher. Spicil. T. 3. nov. Edit. pag. 538. An. Dom. 1165.

Enarrat quomodo à Romanis sit exceptus.

ALEXANDER EPISCOPUS.

Servus Servorum Dei, venerabilibus Fratribus Henrico Remensi, Archiepiscopo ejusque suffraganeis Salutem & Apostolicam benedictionem.

nostra vel successorum nostrorum memoria nulle tempore elabatur, quomodo vos in devotione B. Petri & nostra constanter & semper & firmiter persistere, & nobis non modicum honoris & reverentiae curaveritis & larga obsequia exhibere. Unde nos id pra oculis semper habentes firmum propositum & promptam gerimus voluntatem, vos sicut honorabiles Fratres, & immobiles columnas Ecclesiae arctiori caritate diligere, & ad honorem & profectum vestrum & Ecclesiarum vestrarum ferventiori desiderio aspirare. Quia vero vos prosperitatibus Ecclesiae congaudere & plurimum congratulari cognoscimus, praesentium significatione Fraternitates vestrae cognoscant, quod nos diversa maris pericula, & graves hostium & iniquorum incurfus, divina potentia, & Apostolorum meritis evadentes, tandem ad portum salutis pervenimus, & à Senatoribus populoque Romano devotissime invitati, nono Calendas Decembris Urbem intravimus in omni pace & tranquillitate suscepti, & illam nobis, & Fratribus nostris reverentiam honorem & devotionem praedicti Senatores, Nobiles Civitatis, Clerus Populusque Romanus exhibuerunt, qua nulla major alicui antecessorum nostrorum, sicut omnia ora testantur, aliquando exhibitae fuisse probatur. Unde & credimus, & de misericordia Dei speramus, quod in proximo Ecclesia Dei plena pace & prosperitate gaudebit. Rogamus autem Fraternitatem vestram, monemus, & exhortamur in Domino quatenus sicut devotissimi viri ad augmentum & exaltationem Ecclesiae solita devotione intendatis & alios in B. Petri & nostra reverentia exemplo vestro studeatis propensius solidare. Data Laterani VIII. Calendas Decembris.

Dat. VIII. Kal. Decembris.

II. Ex Arch. Angl. Rymer T. I. pag. 30.

Templum quod situm est Jerosolymis, variis communit Privilegiis, prohibens ne quis temere praedictum locum perturbet.

ALEXANDER EPISCOPUS.

Edit. An. Dom. 1172.

Servus Servorum Dei, dilectis filiis Oddoni Magistro Religiose Militiae Templi quod Jerosolymis situm est, ejusque successoribus & Fratribus tam presentibus quam futuris Regularem vitam Professis in perpetuum.

Omne datum optimum, & omne donum perfectum de sursum est descendens à Patre luminum, apud quem non est transmutatio nec vicissitudinis obumbratio; Proinde dilecti in domino filii, de nobis & pro vobis omnipotentem Dominum collaudamus, quoniam in universo mundo vestra Religio & veneranda institutio nuntiatur. Cum enim natura essetis filii irae, & seculi voluptatibus dediti, nunc per aspirantem gratiam, Evangelii non surdi auditores effecti, relictis pompis secularibus & rebus propriis, dimissa etiam spatiosa via quae ducit ad mortem, arduum iter, quod ducit ad vitam, humiliter eligistis, atque ad comprobandum quod in Dei militia specialiter computemini, signum vivificae crucis in vestro pectore assidue circumferitis.

Exordium.

§. 1. Accedit ad hoc quod, tanquam viri Israelitae atque instructissimi divini praesilii bellatores, verae Karitatis Flamma succensit, dictum Evangelium operibus adimpletis, quo dicitur, Majorem hac dilectionem nemo habet, quam ut animam suam ponat quis pro amicis suis. Unde etiam juxta summi Pastoris vocem, animas vestras pro fratribus ponere, eosque ab incurribus Paganorum defendere minime formidatis; & cum nomine censeamini milites Templi, constituti estis à Domino Catholicae Ecclesiae defensores, & inimicorum Christi impugnatores.

Laudat eos quod ab incurribus Paganorum fratres defendere minime formidant.

§. 2. Licet autem vestrum studium & laudanda devotio in tam sacro opere, toto corde & tota mente desudet, nihilominus tamen universitatem vestram exhortamur in Domino, atque in peccatorum remissionem, auctoritate Dei & Beati Petri Apostolorum Principis, tam vobis, quam servitoribus vestris injungimus ut pro tuenda Catholica Ecclesia, & ea, quae est sub Paganorum tyrannide, de ipsorum spurcitia eruenda expugnando inimicos crucis, invocato Christi nomine, intrepide laboretis.

Hortaturque ut pro Paganorum spurcitia eruenda expugnando intrepide laborent.

§. 3. Ea etiam quae de eorum spoliis ceperitis, fidenter in usus vestros convertatis &, ne de his contra velle vestrum, portionem alicui dare cogamini, prohibemus. Statuentes ut Dominus seu Templum, in quo estis ad Dei laudem & gloriam, atque defensionem suorum fidelium & liberandam Dei Ecclesiam congregati, cum omnibus possessionibus, & bonis suis quae in praesentiarum legitime habere cognoscitur, aut in futurum concessione Pontificum liberalitate Regum vel Principum, oblatione fidelium, seu aliis justis modis praestante Domino poterit adipisci, perpetuis futuris temporibus sub Apostolicae sedis tutela, & protectione consistat.

Spoliarum portionem alicui dare cogi prohibet, eosque cum omnibus possessionibus sub Apost. sedis tutela suscipit.

§. 4. Praesenti quoque decreto sancimus ut vita religiosa, quae in domo vestra est divina inspirante gratia instituta, ibidem inviolabiliter observetur; & fratres inibi, omnipotenti Domino servientes castè & sine proprio vivant, & professionem suam dictis & moribus comprobantes Magistro suo, aut quibus ipse praeeperit in omnibus, & per omnia subjecti & obediendes existant.

Fratres inibi Dom. servientes castè & sine proprio viventes Magistro suo in omnibus obediendes statuit.

§. 5. Præterea quemadmodum domus ipsa

Domus om-

hujus